



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

23 հոկտեմբերի 2019 թվականի №392Ա
ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ 2016 ԹՎԱԿԱՆԻ ԴԵԿՏԵՄԲԵՐԻ 9-Ի №397Ա ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ մասը, 33-րդ, 34-րդ հոդվածները և հաշվի առնելով «Վեոլիա Ջուր» փակ բաժնետիրական ընկերության 2019 թվականի օգոստոսի 30-ի №ՄՇ/22151 գրությունը՝ Հայաստանի Հանրապետության հանրային ծառայությունները կարգավորող հանձնաժողովը որոշում է.

1. Հայաստանի Հանրապետության հանրային ծառայությունները կարգավորող հանձնաժողովի 2016 թվականի դեկտեմբերի 9-ի «Վեոլիա Ջուր» փակ բաժնետիրական ընկերությանը խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման լիցենզիա տրամադրելու մասին» №397Ա որոշման 2-րդ կետով հաստատված՝ «Վեոլիա Ջուր» փակ բաժնետիրական ընկերությանը խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման ԼՋ №0001 լիցենզիայի պայմանների՝ «Սակագներ և սակագների ճշգրտումներ» №3 հավելվածի 13-րդ կետը շարադրել հետևյալ խմբագրությամբ.

«13. Եթե սույն հավելվածի 6-րդ կետում նշված բանաձևով i-րդ հաշվարկային տարվա համար հաշվարկված Մանրածախ Ծառայությունների մատուցման ճշգրտված գումարային սակագնի (Ti) և Մանրածախ Ծառայությունների մատուցման գործող գումարային սակագնի տարբերությունը չի գերազանցում 0.5%-ը, ապա i-րդ հաշվարկային տարվա համար վերահաստատվում են Ծառայությունների մատուցման գործող սակագները: Հանձնաժողովի որոշմամբ հաստատված Մանրածախ Ծառայությունների մատուցման գործող սակագները Հայաստանի Հանրապետության

կառավարության կողմից սուբսիդավորվելու դեպքում i-րդ հաշվարկային տարվա համար հաշվարկված Մանրածախ Ծառայությունների մատուցման ճշգրտված գումարային սակագնի (Ti) համեմատությունը կատարվում է նաև Մանրածախ Ծառայությունների մատուցման Բաժանորդների համար փաստացի գործող գների (Հանձնաժողովի որոշմամբ հաստատված սակագնի և Հայաստանի Հանրապետության կառավարության կողմից տրամադրվող սուբսիդիայի տարբերության) գումարային մեծության հետ, և եթե այդ տարբերությունը չի գերազանցում 0.5%-ը, ապա i-րդ հաշվարկային տարվա համար հաստատվում են Ծառայությունների մատուցման Բաժանորդների համար փաստացի գործող գներին հավասար սակագներ: Սույն կետում նշված տարբերությունը հաշվի չի առնվում հաջորդ հաշվարկային տարիների Բազիսային սակագների ճշգրտման ժամանակ:»:

2. Սույն որոշումն ուժի մեջ է մտնում «Վեոլիա Ջուր» փակ բաժնետիրական ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**



ք. Երևան
23 հոկտեմբերի 2019թ.